

子仙珍藏

四時病機
溫毒病論

女科歌論
經驗方下
附 瘋癆臆膈辨
梅瘡下疳辨

分經辨症瘧門卷之十

吳門邵登瀛步青輯

曾孫炳揚杏泉述

元孫景康謹校

正瘧

瘧論云得之汗出遇風及得之以浴水氣舍於皮膚之內又云夏暑汗不出者秋成風瘧則知至秋成瘧者乃因暑而受寒即陰邪也陰邪多伏故留於營衛至秋新涼外束而瘧作矣

瘧之發也內經言水氣與衛氣并居又言邪客於風府是風府為邪客之所而衛氣中未嘗無并居之邪邪氣與衛氣甚惡其并何也衛氣與邪相并則病作與邪相離則病休并於陰則寒并於陽則熱離於陰則寒已離於陽則熱已故王宇泰謂寒多者宜升其陽不併於陰則寒自己熱多者宜降其陰不并於陽則熱自己寒熱交作者一升一降而以滲利之藥從中分之使不交并則愈

瘧之發也陰陽之相移必從四末始然相并之地起於四末會於中脘故子和治病瘧二年堅束其處決去其血使邪往而不得并立愈徐忠可治胎瘧候未來之前用水晶糖一兩頓服中堵截相并之路無不立效

癰脈自弦弦數者多熱弦遲者多寒蓋癰邪之舍於營衛正屬少陽半表半裏故不但初病之脈弦即久癰正虛脈不鼓指而弦象亦隱然在內偏陰則多寒偏陽則多熱皆自少陽而造其偏補偏救弊陰陽兩協於和則愈

淺者病在三陽隨衛氣以為出入而一日一作深者病在三陰邪氣不能與衛氣並出故間日或三日一作

癰疾多因風寒暑濕而得之乃天之邪氣所傷當以汗解故仲景河間悉用發表之藥但以寒熱多少分經絡而治

痺癰溫癰

師曰陰氣孤絕陽氣獨發則熱而少氣煩寃

喻註肺王氣者少氣煩寃則心主脈者陽盛脈促津虧脈代從可推矣

手足熱而欲嘔名曰痺癰若但熱不寒者邪氣內藏於心外舍分月之間令人消燂肌月溫癰者其脈如平身無寒但熱骨節疼煩時嘔白虎加桂枝湯主之

嘉言曰仲景云弦數者風發也以飲食消息止之謂弦數之脈熱盛生風必侮土而傳其熱於胃坐耗津液陽愈偏而不返倘不以飲食消息急止其移胃之熱必上薰心肺所以云邪氣內藏於心外舍分月之間令人消燂肌月飲食消息即梨汁蔗漿生津止渴之屬

正內經風淫於內治以甘寒之旨也

牡癘

寒多者名曰牡癘蜀漆散主之

牡癘者心經之癘也心為陰中之陽邪氣結伏於心下心陽鬱遏不舒癘發寒多熱少不可謂其純寒也主以蜀漆散通心經之陽開發伏氣而使營衛調和是以吐法為和法也

暑風癘

風暑當發汗夏月多在風涼處歇遂閉其汗而不泄故也按暑月表氣發泄若人行坐近日薰燦皮膚先傷暑熱之氣復當風露臥束以寒涼即時頭脹寒熱惡心痞悶此邪鬱上焦從肺癘治初起熱多寒少煩渴便秘脉洪而數者陽邪之勝也宜以辛涼之劑解其熱若寒多熱少便調不渴脉遲而小者陰邪之勝也宜以辛溫之劑散其寒暑為熱氣症多熱煩渴邪自肺受者桂枝白虎湯二進必愈

初病暑風濕熱癘脫痞痛宜枳殼桔梗萸皮香豉杏仁厚樸山梔

頭重宜辛涼輕劑連喬薄荷滑石羚羊角蔓荊子重則用石膏熱盛用芩連山梔口渴用花粉煩渴用竹葉石膏湯暑邪熱傷初在氣分日多不解漸入血分反渴不多飲唇舌絳赤苓連膏梔不應必用血藥佐以清氣藥一味足矣輕則用青蒿丹皮犀角竹葉心木通

元參鮮生地沒竹葉熱久痞結瀉心湯選用

濕瘧

濕瘧者寒熱身重煩疼脹滿自汗善嘔因汗出冷浴濕着皮膚及冒雨濕也用五苓散汗多者白朮附子湯

太陰濕瘧脾陽傷冷熱不運舌白脘悶當理氣分初用正氣散或用辛溫如草果飲以草果治太陰獨勝之寒知母治陽明獨勝之熱

疫瘧

乘涼飲冷當風臥濕飢飽失時致脾胃不和疫積中脘遂成瘧疾所謂無疫不成瘧也長夏人中氣虛則水穀停聚而為疫飲於胸脇矣久則稠粘膠固營衛運行不通而瘧成宜開鬱豁痰為主草果飲子露薑飲之類

一婦病三日瘧已三月脉無時寒食少經閉但言動作梳洗如常知非氣血衰乃為疫所凝積疫生熱結伏其脉而不見且當作實熱治與三化丸旬日後食進脉出帶微弦令淡味瘧愈經行

食瘧

瘧而惡飲食者必從飲食上得之當以食治

食瘧一名胃瘧飲食飢飽傷胃而成其狀惡食中滿嘔逆腹痛青皮陳皮半夏草果白蔻仁作劑
瘧疾皆外邪病或因素有痰涎及不慎飲食而更甚有之未有不因外邪而但因痰因食成瘧者也三因所言痰瘧食瘧言末而忘其本也

瘧瘧

瘧瘧挾嵐瘴溪源蒸毒之氣致然也自嶺以南地毒苦炎燥濕不常人多瘧瘧其狀血乘上焦病欲來時令人迷困甚則發躁狂妄亦有啞不能言者皆由敗血瘀於心毒涎聚於脾坡仙指為脾胃實熱所致有盛於傷暑之瘧耳治之須用涼膈疏通大腸小柴胡加大黃治瘧木香丸觀音丸皆為要藥

虛瘧

昔賢治瘧皆以挾去其邪為急然有病氣留連久而正衰不能逐邪者但瘧既久而便瀉腹膨倦怠脈微者此病在陽氣惟溫補脾肺則虛寒自退若二便秘少口乾煩渴者此病在陰血惟滋養肝腎則虛寒自斂蓋古法治驟病此則治久病之理也立齋治久瘧諸藥不效以補中益氣加半夏用人參一兩煨薑五錢此不截之截也

仁齋治一人久虛便滑忽得瘧疾嘔吐異常惟專用人參為能止嘔遂以二陳加入參白

豆蔻二服寒熱不作蓋白豆蔻能消能磨流行三焦營衛一轉寒熱自平也
景岳治久瘧正虛諸藥不效用人參薑煎露一宿服神效名參薑飲一以固元一以散
邪也若陰虛久瘧何人飲休瘧飲為最效

瘧久色奪白唇自汗多餒弱必用四獸飲陰虛內熱必用鱉甲首烏

陰瘧

瘧發在夏至後處暑前此陽經受病淺而輕也若發在處暑後冬至前者此陰經受病深
而重也

瘧在陰分須徹起陽分者即格致論中云臟傳出至腑亂而失期也又當因其汗之多寡
而為補養升發之術

一人病虛瘧兩月右寸關虛微兩尺豁然寒則戰慄雖重茵厚被不除熱則躁煩譫語口
渴手揚足擲汗出如注種種危狀據脈與症此脾腎兩虧陰陽兩傷之候虛者責之盛者
責之不治其本徒攻其邪則正虛而邪愈陷矣用補中益氣升發生陽加半夏清其痰滯
穿山甲直至病所以發其邪服後寒熱減半而脈愈虛改用桂枝加桂湯補正散邪加炮
薑以煖中州半夏以理痰滯服後寒熱更減而脈愈虛乃用人參附桂理中湯大振陽氣
以敵虛邪越三日寒熱已止兩脈稍和復大用人參黃芪白朮當歸附子炮薑肉桂炙草

橘紅桂枝鹿茸陰陽而調之法寒熱遂至十四日一發又減至二十一日一發服至二十餘劑症始安脉始和以後又寒熱三次斯則正氣內充餘邪外達之候也經云因其衰而彰之遂用小柴胡加桂枝穿山甲一劑而寒熱頓止嗣後調補陰陽而全安

一人病瘧寒則戰慄熱則煩渴胸滿中痛其脉左三部弦濇右三部微濇無神其原起於勞腎且鬱以致陰陽並虧而虛邪內陷也用人參以安其正桂枝擅和營衛散邪之力炮薑黃連以開其痞枳實厚樸半夏以和中而導痰二劑右脉已透寒熱少可而口渴煩燥未已也蓋緣陽分之邪已從外達而陰虛之邪尚在躁結不解則當轉溫法而用滋法易陽劑而用陰劑然後陰陽而和而邪氣無所容矣乃用人參生首烏桂枝枳實半夏黃連服後大便得通煩渴即已改用人參柴胡鱉甲製首烏半夏麩茯苓丹皮甘草補虛清熱之法而兩劑霍然矣

一人患瘧脉豁大空虛且寒不成寒熱不成熟氣急神揚知為元陽衰脫之候此得之內虛所感其受傷在少陰腎之一經與風暑疫食發瘧者有天淵之別法宜大振陽氣以敵虛邪以人參附子煎服脉已透而少神此邪氣雖達正氣猶虧也再以參附理中湯大復元氣微加桂枝以越外邪四劑而寒熱止脉轉神而愈

間瘧

內經云其氣之舍深內薄於陰陽氣獨發陰邪內著陰與陽爭不得出是以間日而作也東垣曰瘧之為病以暑舍於營衛之間得秋之風寒所傷而後發亦有非暑因風寒感冒而得之者在於陽則發熱在於陰則發寒并則病作離則病止作止故有時在氣則發早在血則發晏淺則日作深則間日或在頭項或在背中或在腰脊雖上下遠近之不同在太陽則一也

一婦間瘧月餘發於申酉頭身俱痛寒多喜飲極熱辣湯脉伏面慘晦作實熱治以十棗湯為末粥丸黍米大服十粒津嚙日三次令淡飯半月大汗愈

三日瘧

瘧三日一作陰受病也作於子午卯酉日少陰瘧也作於寅申己亥日厥陰瘧也作於辰戌丑未日太陰瘧也夏秋暑風內伏深入重圍根蒂深固所感既深決非一二日汗可除須用補藥助託俟汗出通身下過委中使所感之邪自臟傳出至臍其發也亂而失期方是佳兆故治此病春夏為易秋冬為難非有他也以汗之難易為優劣也

丹溪治二人痰瘧三年俱發於寅申己亥日一人晝發發於己而退於申一人夜發發於亥而退於寅晝發者乃陰中之陽病宜補氣解表與小柴胡倍柴胡人參加蒼白朮青陳皮川芎葛根夜發者為陰中之陰病宜補血疏肝用小柴胡合四物加青皮各與十劑和

薑棗煎未發時及空日服至八劑同日大汗而愈其辨別陰陽之妙補前人所不逮

瘧母

瘧邪已久深入血分結為瘧母至腹脇有形邪與氣血膠固宜鱉甲煎丸若用煎方法活血通絡可矣

瘧脹

瘧久面腫肚膨泄瀉不欲食或囊腫肘腫必用東垣益氣以升陽或脾陽消散用理中湯或益黃散得效二三日須投五苓散一二日再用異功白朮散之類必全愈矣或瘧愈食腥太早脾陽不司健運氣鬱不行為腫為脹以理脾胃之陽藥或小溫中丸

瘧勞

瘧邪傷陰陰精不復或乾咳盜汗須與甘藥滋養以填陰精左歸丸六味丸補元煎之類營衛弱者養營建中八珍之類

瘧門集方卷之十一

白虎加桂枝湯

桂枝 石膏 知母 粳米 甘草

此方治瘧太陽陽明合病寒熱交爭寒作則必戰動經曰熱勝則動也發熱則必汗泄

經曰汗出不愈知為熱也陽盛陰虛之症此湯主之

蜀漆散

蜀漆 雲母 龍骨

為散漿水服一錢

牡癘乃心經之瘧邪氣結伏心下心陽鬱遏瘧發寒多熱少蜀漆為常山苗輒取輕揚入重陽之界引拔其邪和漿水服吐其心下結伏之邪雲母在土中蒸地氣上升而為雲故能入陰分逐邪外出於表然逐邪涌吐恐內擾心主而亂神明故佐龍骨鎮心甯神則吐法轉為和法矣

桂枝石膏湯

桂枝 石膏 知母 黃芩

仲景以但熱不寒邪藏於心肺者為溫瘧二瘧白虎加桂枝方義原在心營肺衛白虎湯清營分熱邪加桂枝引領石膏知母上行至肺從衛分泄熱使邪之鬱於表者頃刻致和而瘧已

五苓散

方見濕溫

五苓散太陽裏之下藥也太陽風寒麻桂汗而發之太陽暑濕五苓引而竭之故濕癘寒熱身重煩疼脹滿者宜之

不換金正氣散

方見濕溫

平胃以鋤胃土之敦阜而水濕行佐以藿香一身之滯氣皆宜助以半夏滿腹之痰涎盡化正勝則邪不驅而自除

達原飲

常山 草果 厚樸 檳榔 青皮 石菖蒲 黃芩 知母 甘草

煎露一宿發後溫服

癘發間日內經言邪氣內薄五臟橫連膜原其道遠其氣深稽古無癘邪犯膜原之方惟吳又可治疫初犯膜原以達原飲為主余因博採改定以治間癘蓋癘邪內薄則邪不在表非但隨經上下其必橫連於膜深入於原矣膜為兩間之膜原為兩盲之原經又言邪氣客於腸胃之間膜原之下則膜原又有屬於腸胃者治以常山滌兩膜之痰檳榔達盲原之氣草果厚樸溫除腸胃之濁邪黃芩知母清理腸胃之熱邪複以菖蒲透膜青皮達下甘草和中而癘自解

草果飲

草果 川芎 白芷 蘇葉 青皮 陳皮 良薑 生薑 甘草

瘧又名疟疾其症不一初得病勢正熾一二發間未宜遽截不問寒熱多少且服此方

露薑飲

生薑

和皮搗汁一碗夜晚露至曉空心冷服

此治脾胃聚痰發為瘧疾蓋薑汁能開痰故也

三化丸

大黃 厚樸 枳實 羌活

三化者使三焦通利復其傳化之利也加羌活者疝本於風也然中風多虛氣上逆無用承氣之理非堅實之體不可輕投

小柴胡湯

柴胡 黃芩 人參 甘草 半夏 生薑 大棗

方中加大黃此少陽而兼陽明也用以滌腸胃之邪除嵐瘴之氣正與大柴胡相發明

云

進而從陽加薑桂退而從陰加苓連

木香丸

木香 檳榔 青皮 陳皮 枳殼 黃柏 黃連 三稜 莪朮 香附
大黃 芒硝 牽牛

一方加當歸

此方入手足陽明濕熱在三焦氣分木香香附行氣之藥能通三焦解六鬱陳皮理上焦肺氣青皮平下焦肝氣枳殼寬腸而利氣而黑丑檳榔下氣之品最速者也氣行則無痞滿之患矣瘴癘由於濕熱鬱積氣血不利黃柏黃連燥濕清熱之藥三稜能破血中氣滯莪朮能破氣中血滯大黃芒硝血分之藥能除血中伏熱通行積滯並為摧堅化痞之峻品亦通因通用之意加當歸者潤燥以和其血也

觀音丸

半夏 烏梅 丁香 巴豆

各十枚右為末薑汁糊和丸麻子大每五丸臨臥冷水下

此方治瘴癘有人於海角遇白衣人授之因名焉

補中益氣湯

黃芪 人參 白朮 甘草 陳皮 當歸 升麻 柴胡 生薑 大棗
立齋曰凡人久瘧諸藥不效以補中益氣加半夏用人參一兩煨薑五錢此不截之截
也一服而愈

二陳湯

半夏 陳皮 茯苓 甘草

方中加人參調和營衛加豆蔻溫暖脾胃正勝則痰消邪盡則瘧止

此足太陰陽明藥也半夏辛溫體滑性燥行水利痰為君痰因氣滯氣順則痰降故以
陳皮利氣痰由濕生濕去則痰消故以茯苓滲濕為臣中不和則痰涎聚又以甘草和
中補土為佐也

參薑飲

人參 生薑

煎露一宿服之如神

景岳治久瘧正虛諸藥不效用之神驗一以固元一以散邪

何人飲

首烏 人參 當歸 煨薑 陳皮

氣血大虛久瘧不止宜此截之如神

休瘧飲

人參 白朮 甘草 首烏 當歸

陰陽水煎露一宿溫服陽虛多寒加附子肉桂乾薑陰虛多熱加生地麥冬知母黃芩如腎陰虛再加熟地枸杞如邪有未盡加柴胡桂枝生薑細辛此止瘧最妙之劑也凡汗散既多元氣不復或以衰老弱質而瘧有不能止者宜此化暑善後

四獸飲

人參 白朮 茯苓 甘草 半夏 陳皮 草果 烏梅 生薑 大棗

此方治五臟氣虛七情兼并結聚痰飲與衛氣相搏發為瘧疾

桂枝加桂湯

桂枝 芍藥 甘草 生薑 大棗

桂枝湯太陽經藥本為解肌明非發汗也桂枝行陽白芍行陰甘草和中佐以薑棗散表泄營為和方之祖湯名加桂加其分兩非在外再加肉桂也

人參附桂理中湯

人參 附子 肉桂 白朮 乾薑 甘草

一方照前去肉桂名參附理中湯

陽虛癘疾脉豁大空虛且寒不成寒熱不成熱氣結神揚此元陽衰脫之候此得之內虛所感受傷在少陰腎宜大振陽氣以敵虛邪參附薑桂朮草要不可缺

十棗湯

芫花 甘遂 大戟 大棗

攻飲湯劑每以大棗緩甘遂大戟之性者欲其循行經隧不欲其竟走腸胃也故不名其方而名法曰十棗湯芫花之辛輕清入肺直從至高之分去鬱陳莖以甘遂大戟之苦佐大棗甘而泄者緩攻之則從心及脇之飲皆從二便出矣

四物湯

川芎 當歸 地黃 芍藥

物類也四者相類而仍各具一性各建一功並行不悖也芎歸入少陽主升地芍入厥陰主降川芎鬱者達之當歸虛者補之地黃急者緩之芍藥實者瀉之能使肝胆血調陰陽氣暢非他藥所能及

鱉甲煎丸

鱉甲 柴胡 桂枝 人參 芍藥 厚樸 丹皮 半夏 蜣螂 蜂房